



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 100. Roberti Arnaldi d`Andillii obitus & opera.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII. dicti & Scholasticæ cum octava etiam
A. C. 1674. in quadragesima celebrari possint.

§. C.

*Roberti Arnaldi d'Andillii obitus
& opera.*

Da Pin Bibl. des Auth. Inter Scriptores omnino celebres hoc
Siecl XVII. pag. 93. Marvill. Melang. hist. Vol. I. pag. 170. anno defunctos memoratur Robertus Arnaldus d'Andillii famosi Antonii Arnaldi Regii Advocati Filius natus major, cujus mortem posterisque relicta opera separatim recensemus, ne cavillandi occasionem præbeamus illi, qui Portu-Regiensibus Theologis separatim quoque in æternitate locum assignare videntur: Erat sane Robertus Vir ingenii acie, pietate ac probitate insignis, S. Francisco Salesio amicitia junctus, Ludovico XIII. Galliarum Regi percharus, pluribusque tam civilibus quam militaribus officiis ab eo honoratus: Mortua sua Conjuge, munus firepitum declinare intentus, ad Portu-Regiensem solitudinem secessit, ad quam tota ferme Arnaldina gens jam ante confugerat, proin & Robertus, si ibidem peccavit, originale contraxit peccatum: de cetero autem totum se Gallice reddendis opusculis Asceticis, aut describendis Sanctorum Vitis dicebat. Traduxit autem Confessiones S. Augu-

Augustini, vitam Gregorii Lopez, Jansenii Sæc. XVII.
fermonem de reformatione hominis in- A. C. 1674.

terioris, tractatum S. Eucherii de con-
temptu mundi, scalam S. Climaci una-
cum commentariis Eliæ Cretensis &
vita ejusdem S. Climaci: Absoluto hoc
labore edidit Vitas plurimorum Sancto-
rum illustrium ex variis sæculis selectas.
Selegerat enim ex pene innumeris, quos
Surius, Bolandus, Rosweidus &c. sine
selectu congesserant, duntaxat illos,
quorum historiæ monumentis fide di-
gnis comprobatæ sunt, unde merito
(sit sine invidia aliorum dictum) hunc
Virum inter recentioris ævi primum
numerare possumus, qui vera ab apo-
gryphis & fabulis segregavit, & rela-
tiones historicas sine commixto falsi-
tatum fermento nobis proposuit. Com-
plectitur hoc volumen circiter septua-
ginta Sanctorum vitas tam Pontificum,
quam Episcoporum, Sacerdotum, Re-
gum, Principum, Magnatum & ple-
bæiorum ex variis antiquitatum mo-
numentis erutas; opus sane omnibus
numeris absolutum, dummodo An-
dillius non adjecisset vitam S. Sebastia-
ni, quæ tamen in quibusdam circum-
stantiis apud eruditorum potissimos fal-
situdinis arguitur. Collegit insuper An-
dillius instructiones Christianas ex Ab-
batis San. Cyrani epistolis exscerptas:

im-

Sæc. XVII. impigro etiam labore, prospero tamen
 A. C. 1674. successu opera Flavii Josephi Judæi ex
 Græco in Gallicum idioma transtulit,
 quæ versio a nemine non magni habe-
 tur; non minus enim eleganter, quam
 fideliter intimos Josephi sensus expressit
 Andilius, & Philonis Græci relatio-
 nem de legatione Judæorum Alexan-
 drinorum ad Cajum Cæsarem, quam
 Josephus nonnisi brevissimis notis illu-
 stravit, non sine magno eloquentiæ or-
 natu Andilius vertit, ediditque: non
 tamen omnibus probatur hæc versio,
 eoquod Andilius aut Authoris sui sen-
 sum non plane affecutus, aut minus
 ingenue vertisse quibusdam videatur. *Ad
 genium lectoris habent sua fata libelli.* Ne
 vero Galli Hispana celebriorum Autho-
 rum Ascensi fraudarentur, hinc Andil-
 lius excellentiores selegit, ac præceteris
 Hispana opera S. Theresiæ & S. Joann-
 nis a Cruce Ordinis Carmelitarum Ex-
 calceatorum, necnon Joannis de Avila
 Gallice reddidit. Denique postremis
 vitæ suæ annis Historiam veteris novi-
 que Testamenti conscripsit, quo labore
 vix absoluto mors huic Viro calamum
 excussit die vigesima septima Septem-
 bris anno ætatis suæ octogesimo quinto:
 Morienti adfuit Arnaldus de Pompones
 Marchio, ejusque duo Filii, necnon
 Saccius Doctor Portu - Regiensis; de-
 functo

functo etiam parentabat oratione fu- Sæc. XVII.
 nebri Antonius Arnaldus olim Sor- A.C. 1674.
 bonæ Doctor.

§. CI.

*Wenceslaus Eusebius Lokovicius Prin-
 cept relegatus.*

Dispersa pacis spe Ludovicus Franciæ Wagner hist.
 Rex subacta Burgundia Cæsareos Leop. 1. 5.
 ad Rhenum aggredi statuit, hujusque p. 363.
 expeditionis curam Turrenio Marefcallo Mont. mem.
 demandavit. Hic ergo duodecima Ju- pol. tom. 3.
 nii die, trajecto Rheno Sinzheimium Amelot.
 contendit, expugnatoque oppido cum mem. Hist.
 Cæsareis acri conflictu, sed anticipiti tom. 2.
 victoria decertat, in hoc solo superior,
 quod ei desideratis suorum quampluri-
 mis in acie adhuc noctem agere licue-
 rit, cum Cæsarei integris ordinibus
 retrocederent. Postea ipsemet quoque
 Turrenius devastato Palatinatu in Al-
 fatiam redire cogebatur, ab Argenti-
 nensibus strenue repulsus. Dein Holtz-
 heimium progressus, alliciente loci op-
 portunitate rursus in Cæsareos movit,
 non alio tamen pugnae successu, nisi
 quod præter impedimenta omnia suo-
 rum quatuor millia amiserit, & vicif-
 sim Cæsarei præter aliquot belli tor-
 menta in hostium manibus relicta plus-
 quam mille ducentos in prælio cæsos
 nume-